



Tuupannguit 26 - Postboks 379
5900 Kulusuk - Godthaab
Tlf: +299 528705
fax: 1299 32 07 04
E-mail: nunaoil@nunaoil.gl
www.nunaoil.gl

NUNAOIL-ip Inatsisartunut Folketingimullu ukiumoortumik nassuiaataa

NUNAOIL inatsisit tunngavigalugit ukiut tamaasa ingerlatseqatigiiffiup ukiumi gaangiuttumi ingerlatsisimanera aamma ukiuni aggersuni pilersaatai pillugi Inatsisartunut Folketingimullu nassuiaateqartussaavoq.

Naatsorsuutininik saqqummiineq pillugu inatsisit piunasaqaataannik eqqutitsinermi saniatigut NUNAOIL-ip Ukiumoortumik Nalunaarusiaa 2004 manna aamma tassaavoq inatsisit malillugit ukiumoortumik Inatsisartunut Folketingimullu nassuiaasiaq. Ataani ukiumoortumik nalunaarusiaq imaqarnersiorneqarpoq.

2004-mi ingerlatat angusallu

Akuersissummut Atammik-mut atataillugu immap naqqanit misiligutinik katersanik paasiniaaneq 2004-mi aallartippaat. Suliniummik tamatumingga ingerlatsisup GEUS (Qallunaat Nunaanni Kalaallit Nunaannilu Nunap Sananeqaataanik Misissuisoqarfik) suleqatigalugu ingerlappaa. Paasiniaanerup inerneru misissoqqissaarneqassapput paasisanullu allanut ilanngullugit akuersissuteqarfiup pilersaarusiorne-qarsinnaassusaanik ataatsimoortumik naliliinermut ilaatinneqassallutik.

2004-mi EnCana-p aamma NUNAOILip sullissinissamik isumaqatigiissut ingerlateqqippaat, taanna malillugu NUNAOIL EnCana-mik assigiinngitsutigut sullissinikuuvoq.

1. april 2004 Aatsitassaqaarnermut Pisortaqaarfik nutaamik neqeroortitsivoq Kalaallit Nunaata kitaata imartaani immikkoortut sisamat neqeroortitsissutigineqarlutik. Qinnuteqarfissap naanerani, tassalu 1. oktober 2004, imartani pineqartuni ujarlernissamik qinnuteqaat ataaseq tiguneqarsimavoq. Qinnuteqartuuvoq EnCana.

Kalaallit Nunaanni Aatsitassat pillugit Siunnersuisoqatigiit akuersissutissatut siunnersuut Kalaallit Nunaanni Danmarkimilu politikikkut akuerisassatut inassuteqaatigaat. Akuersissutissaq akuerineqarpoq, ujarlerfissamillu tunniussineq Nuummi atsiogatiinnermi pivoq 20. januar 2005.

NUNAOILip EnCana-llu akuersissummit piginneqataassutaat tassaapput 12,5% NUNAOILimut 87,5%-ilu EnCana-mut. NUNAOIL ujarlernerup nalaani akiliinani piginneqataavoq. Akuersissut 8. oktober 2002 tunniunneqarpoq.

2004-mi NUNAOIL canadamiullu uuliasioqatigiiffiat EnCana suleqatigiillutik Kitaata sineriaata avataani akuersissummut “Atammik”-mut atatillugu misissuinertik ingerlateqqippaat.

2004-mi NUNAOILip suliffeqarfik immikkut suliarinniffiusartoq ØDS aamma TGS-NOPEC suleqatigalugit sajuppillatsitsisarlu misissuinernit paasisutissat mumillugit suliarinerat ingerlappaat. Periutsip tamatuma immap naqqani ujaqqat assigiingitsut qularnaannerusumik immikkoortinnissaat periarfissaqalersittarpaa.

2004-mi NUNAOILip Davis Strædemi immap naqqa immikkoortukkaarlugu assiliulerpaa, paasisutissat nammineq pigisani paasisutissallu Geological Survey of Canada Atlantic-imeersut aallaavigalugit. Suliniut taanna aqputigalugu Kalaallit Nunaata Canadallu akornanni immap naqqani immikkoortut sananeqaataasa paasisaqarfiginerat annertunerulerpoq. Siunertarineqarpoq suliamut atatillugu GSCA-mik suleqateqarneq ukiuni aggersuni annertusarneqassasoq, sajuppillatsitsisarnernit paasisutissarsiat tunngavigalugit immap naqqata immikkoortuisa ilaasa assiliarinerat kisiat pinnagu aammali suliniutit allat ilaatinneqassallutik.

2005-imi DONG-ip NUNAOILillu isumaqatigiissut ingerlatiinnarpaat, taanna malillugu NUNAOILip ingerlatseqatigiiffiup ingerlassaasa ilai ingerlassinnaavai DONG-imiit sulisunik attartornikkut, DONG-illi namminersortunngornissaanut atatillugu pilersaarutit pissutigalugit NUNAOILip DONG-illu akornanni isumaqatigiissut qaammammik ataatsimik periarfissiilluni atorunnaarsinneqarsinnaavoq.

Taamaattoq NUNAOILip allannguermigut ingerlassallu aalajangersimasumut sammivilernerisigut, ingerlatseqatigiiffiup piginnaasaasa Kalaallit Nunaannilu uuliamik gassimillu ujarlernerimi imminersaminik inissisimanerata inerisarnerat ingerlatiinnissavaa. Aammattaaq 1. januar 2005-imiit atuutilersumik qullersaalluni pisortatut atorfik aningaasaqarnikkullu aqutsisutut atorfik 1. marts 2005-imiit aalajangersimasumik inuttalerneqarput.

Ukiuni anguneqartut tassaapput amigartoorutit 7,4 mio. kr-nik annertussuseqartut ukiullu naanerani imminersamik aningaasaatit 40 mio. kr.-ullutik. Ingerlatseqatigiiffiup misissuinerit ingerlassimasai tunngavigalugit angusat naammaginarput.

Uuliamik gassimilluunniit niuernikkut iluanaarutigineqarsinnaasumik nassaartoqarnissaata tungaanut NUNAOILip ilimagaa, ingerlatseqatigiiffik ajunaaruteqarfiulluni ingerlagallassasoq.

Siunissami pilersaarutit aningaasalersornissaallu

NUNAOILip ukiuni aggersuni qitiusumik suliassai tassaassapput:

- EnCana suleqatigalugu 2005-imi immap naqqata assilianerata, suliamik nalilersuinerup aamma akuersissuteqarfiup piaaffiulersinnaaneramik nalilersuinissaq siunertaralugu

aningaasaqarnikkut naatsorsuinerit nanginneqarnissaat pilersaarutaapput. 2005-imi suliat akuersissuteqarfimmi suliat nanginneqarnissaat tunngavissaqarnersoq imaluunniit akuersissut utertinneqassanersoq aalajangerniarlugu atorneqassapput. Nangitsoqassappat piunasaqaa-taassaaq akuersissummik pigisaqartut ujarlerlutik qillerinermik ingerlatsinissaat.

- EnCana suleqatigalugu NUNAOILip ilimagaa 2005-imi ujarlernissamik akuersissummik nutaamik suliaqarnermut nukiit atorumaarlugit. NUNAOILip ilaatigut akuersissuteqarfiup nutaap immikkuualuttortai ilanngullugit assiliorneq ingerlanniarpaa, paasissutissat pissarsiarineqarsinnaasut tamaasa ilanngussuullugit, taakkununga ilaallutik sajuppillatsit-silluni misissuinernit paasissutissat allanngorlugit suliarisat, nalilersuinerit aamma paasissutissanik nutaanik katersinissat pilersaarusiorderinut peqataanerit.
- 2005-imi NUNAOILip ingerlatseqatigiiffiup Kitaani Baffinip Kangerliumanganit Kujataani Nunap Isuanut nunap immikkoortuini assiliornera nutartertiffiginiarpaa, nunap immikkoortuini paasinninnissaq annertusarumallugu ingerlatseqatigiiffiullu siunissami nittarsaassinissaa pitsaasumik tunngavissaqartilerumallugu.
- NUNAOILip nunap immikkoortuini immikkut toqqakkani, qaammataasiamiit sajup-pillatsitsisarlungu misissuinerit immikkut ilimanaateqartuni, immap naqqanit misiligutinik katersinissaq siunertarlugu nutaamik suliniuteqalernissamut periarfissat misissorniarpai. Suliniummi siunertaavoq immap naqqanit uuliamik seerisoqarneranik ilimagisaqarnerup uppersarniarnissaa. Tamatumani angusaqarluartoqarpat ujarlernermi nalorninartut annertuumik annikillisarneqassapput, aammalu uuliasioqatigiiffinniit sajuppillatsitsisarlungu misissuisartoqatigiinniit annertuumik soqutiginnilerneq nassatarissallugu.
- 2004-mi NUNAOILip suliffeqarfik immikkut suliarinniffiusartoq ØDS aamma TGS-NOPEC suleqatigalugit sajuppillatsitsisarlungu misissuinerit paasissutissat mumillugit suliarinerat ingerlappaat. Periutsip tamatuma immap naqqani ujaqqat assigiinngitsut qularnaannerusumik immikkoortinnissaat periarfissaqalersittarpaa. 2005-imi NUNAOILip annertunerusumik immikkut ittumik suliarinneqqinnissaq qanoq naapertuutsiginersoq naliliiffigissavaa.
- 2005-imi NUNAOILip Aatsitassaqarnermut Pisortaqarfik aamma sajuppillatsitsisarlungu ingerlatsivik TGS-NOPEC suleqatigalugit sajuppillatsitsisarlungu paasissutissanik amerlanernik katersineq ingerlanniarpaa. Annermik sammineqassapput Qeqettarsuup Nuussuullu kitaata imartai, taakkua tassaasinnaammata tullianik neqeroortitsinermut ilaatinneqartut. Aamma Nunap Isuata eqqaa ujarlerfissatut soqutiginaateqarpoq, kisiannili aatsaat piffissami ungasinnerulaartumi uuliasioqatigiiffinnut ammaanneqarnissaa ilimanoluni.

Ingerlatsinermini amigartoortuaraluniluni NUNAOIL aningaasaqarnikkut aal akkaasuvoq annertuumillu tatiginassuseqarluni. Tamatumani tunuliaqutaavoq ingerlatseqatigiiffiup piginnittaasa marluk suli kissaatigimmassuk ingerlatseqatigiiffik nukittoq suliaminillu ilisimaarinnilluartoq, Kalaallit Nunaanni uuliamik gassimillu ujarlernermi aktiaatillit soqutigisaannik isumaginnilluartoq.

Taamaammat aktiaatillit ukiut kingulliit tallimat tamaasa ukiumut 10 mio. kr.-nik ingerlatseqatigiiffimmut aningaasaliissuteqartarput.

Ingerlatseqatigiiffimmi aktiaatillit kissaatigaat, ingerlatseqatigiiffik paasissutissanut suliniutinullu nutaanut Kalaallit Nunaanni uuliamik ujarlerneramik siuarsaasussanut aningaasaliissasoq. 2005-imi NUNAOILip missingersersuutigaa 22 mio. kr.-nik amigartooruteqarnissaq. Ukiuni tulliuuttuni NUNAOILip ilimagaa ukiumut 10-15 mio. kr. amigartoorutaasassasut, suliniutit aalajangersimasut aningaasaliinerillu apeqqaallutik.

Ukiuni aggersuni ingerlatseqatigiiffimmut aningaasaliissuteqaqqinnissaq ilimagisariaqarpoq.

NUNAOIL pillugu ukiumoortumik nalunaarusiaq ilanngunneqarsimasoq atuaruk imaaluunniit www.nunaoil.gl. qimerlooruk.